

Nadel

Autor(en): **Mathis, G.**

Objektyp: **Article**

Zeitschrift: **Annalas da la Societad Retorumantscha**

Band (Jahr): **11 (1897)**

PDF erstellt am: **26.08.2024**

Persistenter Link: <https://doi.org/10.5169/seals-181211>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Resged' in assas füt la plaunta;
Quel chi cruder, perir la fet
Murit eir el d' malatia launta,
Laschet als sieus eir vöd, regret.

Güst d' quellas assas construieu
Füt il vaschè pel trapasso;
Sieu corp con quellas sepulieu,
Sieu spiert tiers Dieu turnet darcho.

E sco la plaunta l' umaun passa,
E d' sem-dschemügl dad ün nuschè
Ais creschieu' l dschember, dal quèl l' assa
Eir servirò per nos vaschè!

Ma in noss cours' l Suprem implaunta
Il sem-dschemügl d' sieu fled divin!
La saimper-verda, sencha plaunta
Amur! Etern ais sieu destin!

Giov. Mathis.

N A D E L

(1892).

Duos povers orfnins giaivan,
La saira da Nadel,
Sulets per via, cridaivan,
Guardand sü vers il tsel!

Sper ün palaz passettan;
Udind lo chaunt d' dalet,
Els ün momaint' s sfermettan;
La sour al frerin dschet:

Cussü ais allegria,
Regals per tuots infaunts;
Per nus be crid, fadia,
D' noss cours sospirs e plaunts.

Pü nossa buna mamma;
Sulets' ns ho' l bap laschos;
Pü chera vusch chi' ns clama:
Infaunts, mieus chers amos.

Partuot bös-chins guarnieus,
Infaunts riand containts,
Nus noss mauns dschets unieus
Be' ns straundscher pü pudains!

Naiv, glatsch cuvran la via,
Il vent ans glatsch' ils mauns;
Fo' t pcho, o cher Messia,
D' duos pov' rs orfnets infaunts!

Sün ün baleun pozzeda
Üna mattett' udit
D' l' orfnina desoleda,
Crid, plaunt; gio' n via currit.

Dschet: gni in chesa mia
As allegrer con nus:
Il cher infaunt Messia
Naschieu ais eir per vus!

Mieu bap ils infaunts ama,
A 's vzand ho sgür dalet,
Ed eir ma buna mamma
'S fo pcho d' ogni povret!

Els fütta bainervschieus,
Bainvis e festagios,
Con pans buns, chods eir vstieus,
Da bels regals comblos.

Con larmas d'arcontschentscha,
Dschand grazcha lur sorrir,
Con d'aungels beadentscha
'S pinettan per partir.

Cher bap, dschet la mattetta,
Els sun orfnins bsögnus;
Il Segner' ns ils trametta
Bümaun fain' ils fer con nus.

O! sainz' orfnins in via
Afflicts bsögnus chattains,
Pü dutscha l' allegria,
D' Nadel, scha' ls surlevgiains!

Nadel! con bram' at spetta
L' intera cristanted,
Da pêsch, da spraunza, cretta,
Est festa d' charited!

Nadel! vusch sench' ans clama
À tuots amur, perdun;
'L cour sainta stimul, brama
D' reconciliaziun!

Nadel! Nadel! s' daletta
Vegl, giuven, infauntin;
D' Nadel leidezz' ans detta
A tuots' l Messia divin!

Giov. Mathis.